



Pou Piblikasyon Imedya: 05/10/2021

GOUVÈNÈ KATHY HOCHUL

## GOUVÈNÈ HOCHUL AKEYI EKIP PONPYE ETA NEW YORK LA LAKAY YO KI SOTI NAN ENSANDI KONPLÈKS KNP A NAN CALIFORNIA

*Gouvènè Hochul deplwaye Gad Forè DEC nan Ensandi Dixie a nan California pou sèvi kòm Lidè Fòs Entèvansyon an*

*Foto yo Disponib [isit la](#)*

Jodi a Gouvènè Kathy Hochul te akeyi lakay yo ekip 20 ponpye forestye ki dirije pa Depatman Konsèvasyon Anviwònmantal (Department of Environmental Conservation, DEC) Eta New York la apre yon atribisyon de semèn nan Ensandi Konplèks KNP a nan California. Mwa pase a, Gouvènè a te selebre [retou](#) yon ekip ponpye forè ki te deplaye nan Ensandi Greenwood nan Minnesota, ak [retou](#) Gad Forè DEC Robbie Mecus apre lit kont Ensandi Dixie a nan California. Nan mwa out la, Gad Forè Michael Burkholder [te retounen](#) soti nan lit kont ensandi nan Alder Creek ak Trail Creek nan Montana. Nan mwa jiyè a, Timothy Carpenter [te retounen](#) lakay yo te deplwaye li nan lit kont ensandi Bootleg la nan Oregon.

Nan kad retou ponpye sa yo, DEC te deplwaye yon Gad Forè pou sèvi kòm yon Lidè Fòs Entèvansyon nan efò pou limite Ensandi Dixie a nan California pandan de semèn. Ensandi Dixie a te kòmanse nan dat 13 jiyè epi jiska prezan li te boule plis pase 389,837 ekta, ki fè li pi gwo dife forè nan listwa California.

"Sezon ete sa, dife forè yo te alimante pa chanjman klimatik nou an te boule nan kominote ak pak atravè peyi a, ap devaste plizyè santèn milye ekta. Ponbye brav New York yo te reponn apèl pou ede limite dife sa yo yon lòt fwa ankò epi pwoteje moun ak byen," **Gouvènè Hochul te deklare.** "Mwen tèlman apresye efò Nouyòkè yo ki te kouri ale nan danje, olye yo rete lwen li, patikilyèman lè yo konnen lavi moun anje. Mwen fyè de ekip sa epi mwen kontan wè yo retounen lakay yo sen e sof."

**Komisè DEC, Basil Seggos, te deklare,** "Pandan plis pase 40 lane, ponpye forè New York yo te rete prè pou konbat dife nan eta byen lwen. Lè ponpye brav sa yo fè volontè, yo pa konnen ki kote yo prale oswa ki gwosè dife a, men yo konnen y ap ede moun epi se sa ki pi enpòtan. Antanke ekspè nan kòmand ensidan, Gad Forè ak anplwaye DEC yo souvan chaje plizyè douzèn ponpye nan travay pou restrenn yon dife forè k ap boule plizyè dizèn milye ekta. Mwen remèsye yo pou devouman yo, patikilyèman pandan sezon ensandi okipe ane sa a ki vin pi mal akoz chanjman klimatik la."

Dife nan Konplèks KNP a te demare nan dat 9 septanm ki te anflame pa yon tanpèt zeklè ki boule Pak Nasyonal Sequoia and Kings Canyon epi pwopaje nan Forè Nasyonal Sequoia a. Jiskaprezan, dife sa a boule plis pase 67,708 kawo tè e pou kounyeya yo metrize li a apeprè 11 pouzan. Ekip k ap retounen gen ladan Gad Forestye DEC yo, anplis sa gen anplwaye ki fòme pou goumen kont ensandi forè ki soti nan divizyon Teritwa ak Forè, Pwason ak Fòn, Jesyon Materyèl, ak Operasyon, ansanm ak volontè ki gen eksperyans ponpye ki pa soti nan DEC: Ponpye ki retounen yo se:

Chris DiCintio, Gad Forè, Chèf Ekip, Konte Franklin  
Robert Stratton, Gad Forè, Estajyè Chèf Ekip, Konte Sullivan  
Arthur Perryman II, Gad Forè, Chèf Brigad, Konte Warren  
Chester Lunt III, Gad Forè, Chèf Brigad, Konte Onondaga  
Philip Parlier, Gad Forè, Chèf Brigad, Konte Orange  
Jacob Skudlarek, Gad Forè, Ponpye, Konte Schoharie  
Michael Bodnar, Ponpye, Konte Washington  
Kevin Furness, Ponpye, Konte Steuben  
Dante Garofalo, Ponpye, Konte Onondaga  
Aaron Graves, Divizyon Teritwa ak Forè DEC, Konte St. Lawrence  
Eric Kasza, Ponpye, Konte Otsego  
Daniel Kinsley, Divizyon Jesyon Materyèl Danjere DEC (DEC Division of Materials Management), Konte Onondaga  
Kramer Kwaczala, Divizyon Teritwa ak Forè DEC, Konte Albany  
Robert McPherson, Ponpye, Konte Onondaga  
Joseph Nelson IV, Divizyon Pwason ak Bèt Sovaj DEC, Konte Otsego  
Thomas Roche, Ponpye, Konte Nassau  
Joseph Sapp, Ponpye, Konte Schenectady  
Neilson Snye, Divizyon Operasyon DEC (DEC Division of Operations), Konte Franklin  
Brandon Swart, Divizyon Pwason ak Bèt Sovaj DEC, Konte Madison  
Timothy Watson, Divizyon Pwason ak Bèt Sovaj DEC, Konte Saratoga

Sèvis Forestye Ameriken an ap peye dirkteman pèsonèl ak pou depans vwayaj pou ekip New York yo oswa l ap ranbouse Eta New York daprè yon akò èd mityèl ant eta yo ak ajans fonsye federal yo.

An 1979, New York te voye premye ekip ponpye li a pou al ede eta zòn Iwès yo konbat gwo dife forè yo. Depi lè sa, an mwayèn, yo konn voye youn oswa de ekip, jan sa nesesè, pou ede metrize dife forè yo chak ane. Anplis de ede frennen ensandi nan forè yo epi minimize domaj yo, ekip sa yo gen bon jan eksperyans ki kapab itilize pou lite kont ensandi nan forè yo, epi jere ensidan ki gen tout kalite risk nan new York.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)